

Q V Æ S T I O M E D I C A.

(1834)

Quodlibetariis disputationibus manè discutienda: in Scholis Medicorum, die Jovis 4. Februarii.

M. MICHAELE DE HODENCO, Doctore Medico, Præfide.

An vita munia à Spiritibus?

CORPORA præ cæteris apta pervadere, atque pervolare ad punctum temporis; hæc ipsa Medicis spiritus sunt, suæ tenuitatis & pernicitatis ergo, stupendorum tot effectuum authores, qui à cælo summo ad imos usque terræ recessus observantur: His sine vel sublimiora non lucent astra neque volverentur, ipsorumque suspiciendorum voluptate nusquam recrearetur homo, à quibus habent animalia, plantæ, fossiliaque ipsa unde assidue sustententur; diversis corporum quæ subeunt figuris ultro sese spiritus accommodant: variis hinc functionibus sufficiunt, quas perfectissimorum animalium vita multiplici sensu motuque promit. Hominis insuper actiones mentis intelligentiæ plenæ apertius multò declarant, ab iisdem spiritibus oriundæ, promovendæ, finiendæ.

OMNIUM & singularum ejusmodi functionum opificem qui solam judicat animam, credit is profecto quod ratione difficulter convincere potuerit; qui facultates assignat quibus ad operandum anima comparetur, suppellestem is redundantem curat; qui spiritus authores agnoscit graviter, & acute Philosophatur. Quod in machinis illud ipsum hic advertit. Pneumaticis, aut Hydraulicis instrumentis instructas eas habet? Aliud ab aquâ, & statu nihil omnino quærito? Alterutrius apparatus Machinatio torquebitur; inopiâ, hærebit immota. Spirituum quod sufficit citò ad obeunda quotquot sunt vitæ munera, impulsore habes; adornatis eleganter instrumentis efficietur haud dubie, quidquid unicuique viventium generi specieque necessarios ad usus desiderari potuerit.

QUODCUMQUE functionum exercetur in animalis corpore; hoc ipsum eo reducitur, ut vel quod utile est ingeri, vel quod inutile est noxiumve dimitti possit: eam ob rem quæ communis omnibus actio, quæ necessaria singulis, quæ omnibus voluntaria perfici debent, nullò interim aliò præfectò muneris organo quam spiritu; ille est qui ad opera omnia continenter attentus singula corporis loca stationesque lustrat, huc quæ profutura sunt asportaturus, semoturus inde quæ nocitura; it ipse, reditque vias liberalem sui copiam faciens, vel propriâ simplicis jacturâ speretâ per eum unice sciendâ. Cæterum eam œconomiam instituit, ut cui plus deest, plus quoque suppeditet; cui opus meliore fuerit, melius quoque largiatur.

EXIMIUS iste *δυναστεύς* in functionum naturalium curam incumbens, prædò quidem in ventriculum se plurimum effundit atque vicinas ipsi partes, fermentationis motu versaturus alimenta; quæ cum chylus facta fuere, versus intestina flectit, communem cogit in ductum, ad cor inde cum sanguine revertente commeat; quod satis est, moram postquam ibi fecit, sanguis ulteriorem ab opifice spiritu assequitur elaborationem, derivatur illico, ab eodem Machinatore deducendus quoquoersum. Porro quod in sanguine purissimum est omne ad cerebrum rapi si putaveris, perperam judicas? Actiones mentis secretam revera postulant à reliqui sanguinis commercio materiam, quæ nihilominus à communi spirituum impetu libera fuerit. Quidquod ciendo motibus Animalis destinatos spiritus, tam exquisitæ munditiæ esse supervacaneum videtur.

VERUM quod singularem spirituum operam probat, generationis opus est. Commixta femina vix dum suscepta fuerunt in uterum; vigiliam continenter in muliebri corpore spirituum pars insignis eò conferentim advolat, iis auxilium præstitura qui vel brevioris impatientes cunctationis admirabile corporis ædificium extruunt. Horum alii crassioribus feminum particulis sensim atque leniter amotis, vallò, fossaq; cingunt, & muniunt alios, intimis atque gravioribus artificii intentos. Mirari liceat, ita constitutum esse inter ipsorum singulos ordinem ut urgeatur quidem opus, nusquam nisi rariùs, ab artificibus autem quantum in iis est nullatenus interrumpatur. Inde fit ut designata semel corporis forma progressu temporis à spiritibus excitetur, atque ad sui descriptionem eleganter accommodata, iisdem ab architectis rigatur; qui ejus postea præfide Anima custodes futuri sunt, cujus fuere constitutores.

Ergo Vita Munia à Spiritibus.

DOMINI DOCTORES DISPUTATURI.

M. Claudius Biendisant.
M. Dominicus de Farcy.
M. Henricus Mabien.

M. Claudius Guerin.
M. Paulus Matur.
M. Carolus le Long.

M. Claudius Germain.
M. Germanus Preaux.
M. Jacobus Renaut.

Proponebat Parisiis MICHAEL PICHONNAT, Stampanus, Baccalaureus Medicus. A. R. S. H. 1683.